



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-215-4/25**
Datum: **24.07.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica, JP «Šumsko privredno društvo Zeničko-dobojskog kantona» d.o.o. Zavidovići za donošenje rješenja o vodnoj saglasnosti za aktivnost kontrolisane sječe i krčenja šume na prostoru zaštitnih zona izvorišta «Očevlje» na području općine Vareš, na osnovu člana 139. stav (1) tačka 10., a u vezi sa članom 114. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) donosi

RJEŠENJE **o vodnoj saglasnosti**

1. Podnosiocu zahtjeva, JP «Šumsko privredno društvo Zeničko-dobojskog kantona» d.o.o. Zavidovići, daje se vodna saglasnost za aktivnost kontrolisane sječe i krčenja šume koje se trebaju provoditi prema tehnologiji izvođenja radova datoj u tehničkoj dokumentaciji:
 - Elabarat za izdavanje vodne saglasnosti za aktivnosti kontrolisane sječe i krčenja šume na prostoru zaštitnih zona izvorišta Očevlje u općini Vareš urađen od strane «INPROS» d.o.o. Mostar (broj: ELAB 02-08/24, august 2024. godine) - u daljem tekstu Elabarat.
2. Ovu vodnu saglasnost podnosilac zahtjeva može koristiti samo u postupku pribavljanja dozvole za sticanje prava na aktivnosti kontrolisane sječe i krčenja šume na predmetnom lokalitetu od strane drugog nadležnog organa u skladu sa važećom legislativom i provedbenim propisima iz oblasti šumarstva.
3. Vodna saglasnost se donosi pod sljedećim uslovima:
 - 3.1. Da se opisane aktivnosti i zahvati u prostoru vrše u skladu sa priloženom projektnom dokumentacijom: Elabarat za izdavanje vodne saglasnosti za aktivnosti kontrolisane sječe i krčenja šume na prostoru zaštitnih zona izvorišta Očevlje u općini Vareš urađen od strane «INPROS» d.o.o. Mostar, august 2024. godine.
 - 3.2. Da korisnik ove vodne saglasnosti prije početka izvođenja radova, a najkasnije sedam dana prije, pismenim putem uputi obavještenje o planiranim aktivnostima Federalnoj upravi za inspeksijske poslove – Federalni vodni inspektorat, Upravi za inspeksijske poslove Zeničko-dobojskog kantona – inspektorat vodne i šumarske inspekcije i «Javno komunalno preduzeće» d.o.o. Vareš.
 - 3.3. Da u saradnji sa operaterom/korisnikom izvorišta «Očevlje» - «Javno komunalno preduzeće» d.o.o. Vareš, JP «Šumsko privredno društvo Zeničko-dobojskog kantona» d.o.o. Zavidovići definira dinamiku provođenja aktivnosti na predmetnim radovima, vodeći računa da se aktivnosti mogu vršiti u sušnom vremenskom periodu, kako bi se izbjegala devastacija raskvašene podloge i moguće narušavanje promjene kvaliteta vode.
 - 3.4. Da u periodu neposredno prije početka radova, korisnik ove vodne saglasnosti u saradnji sa predstavnicima «Javnog komunalnog preduzeća» d.o.o. Vareš utvrdi trenutno stanje kvalitativno – kvantitativnog režima predmetnih izvorišta i stanja na prostoru zaštitnih zona izvorišta «Očevlje» («nulto» stanje koje će se nakon obilaska terena pismeno konstatovati i zvanično potvrditi od strane korisnika/operatera izvorišta «Očevlje») u cilju ostvarivanja pretpostavki za kontrolu istog tokom i nakon izvođenja predmetnih aktivnosti.
 - 3.5. Da se drvna masa iz zona sanitarne zaštite izvorišta «Očevlje», do prostora izvan ovih zona transportuje korištenjem postojeće transportne infrastrukture i postojećih vlaka uz uvažavanje svih mjera navedenih u Elabratu, a sve u cilju minimiziranja negativnih uticaja na kvalitativno – kvantitativni režim izvorišta «Očevlje». Da se odabir i doznaka stabala za sječu odnosi samo i

isključivo na kontrolisanu sječu u obimu i na način opisan u Elaboratu vodeći računa da se u ovom konkretnom slučaju kao najznačajnija ekološka funkcija šume tretira zaštita izvorišta vode za piće. Doznaka (dozvola) za sječu, treba da se vrši u prisustvu nadležnog lica iz državnog organa koji ima nadležnost čuvanja državne šume, a predstavnici operatera izvorišta «Javno komunalno preduzeće» d.o.o. Vareš trebaju imati mogućnost kontrole i uvida u ovaj dio aktivnosti.

3.6. Ukoliko se u toku izvođenja radova i aktivnosti kontrolisane sječe i krčenja šume registruje promjena kvaliteta vode na izvorištu, na zahtjev operatera «Javno komunalno preduzeće» d.o.o. Vareš sve radove i aktivnosti treba trenutno obustaviti i utvrditi uzroke koji su doveli do promjene kvaliteta vode na izvorištu i iste prije nastavka radova otkloniti.

3.7. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom i važećom Odlukom o zaštitnim zonama i zaštitnim mjerama izvorišta «Očevlje» općina Vareš..

3.8. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva budu locirana izvan bujičnih tokova i nivoa plavnih voda i na takvoj udaljenosti da ne mogu imati negativan uticaj na izvorišta vode i stalne i povremene vodotokove.

3.9. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.

3.10. Unutrašnji saobraćaj će se u toku obavljanja aktivnosti odvijati korištenjem postojeće transportne infrastrukture i postojećih vlaka koju treba popraviti i sanirati prije početka radova i dovesti u zadovoljavajuće stanje nakon izvođenja radova.

3.11. Tokom izvođenja radova, mehanizacija i oprema koja će se koristiti u realizaciji navedenih aktivnosti ne smije ulaziti u vodotoke, osim na za to određenim prelazima, a nakon završetka radova moraju se ukloniti ostaci drveta iz korita vodotoka i zemljišnih čestica vodnog dobra.

3.12. U toku radova, materijal nastao prilikom sječe šume i izvoza drvnih sortimenata se ne smije ni privremeno odlagati na česticu «vodno dobro» odnosno u vodotok i na njegove obale.

3.13. Neposredno nakon završetka radova neophodno je izvršiti sanaciju transportne infrastrukture, a kao mjera protiv nastanka erozionih procesa i jaružnih tokova na traktorskim putevima – vlakama, primjenjuje se poprečno izvođenje jaraka pod uglom od 30° na udaljenostima 20 – 50 m, u zavisnosti od uzdužnog nagiba.

4. Korisnik ove vodne saglasnosti se obavezuje da se u cjelosti pridržava svih mjera zabrane i ograničenja navedenih u važećoj Odluci o zaštitnim zonama i zaštitnim mjerama izvorišta «Očevlje» općina Vareš donesenoj dana 28.12.2017. godine od strane Općinskog vijeća Vareš (broj: 01-268/17).

5. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.

6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.

7. Nadzor i kontrolu nad provođenjem kontrolisane sječe i krčenja šume u zonama sanitarne zaštite koordinirano će provoditi Federalna vodna inspekcija, Kantonalna inspekcija za šumarstvo i Kantonalna inspekcija za vode.

8. Ukoliko se u toku izvođenja radova na kontrolisanoj sječi i krčenju šume na prostoru zaštitnih zona izvorišta «Očevlje» na području općine Vareš prouzrokuju štetne promjene kvalitativno – kvantitativnog režima voda i to prouzrokuje štete drugim korisnicima voda, podnosilac zahtjeva je obavezan otkloniti uzroke nastanka štete, sanirati posljedice nastale štete, a procjenjenu štetu nadoknaditi.

9. Ova vodna saglasnost, shodno članu 114. stav (6) Zakona o vodama se daje sa rokom važenja od 2 (dvije) godine od dana pravosnažnosti Rješenja.

Obrazloženje

Pravno lice, JP «Šumsko privredno društvo Zeničko-dobojskog kantona» d.o.o. Zavidovići, obratilo se ovoj Agenciji dana 15.05.2025. godine sa zahtjevom za donošenje rješenja o vodnoj saglasnosti za aktivnost kontrolisane sječe i krčenje šume na prostoru zaštitnih zona izvorišta «Očevlje» na području općine Vareš. U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Ovjereni kopiji Rješenja o izmjenama podataka u sudski registar broj: 043-0-Reg-24-000973 izdatog dana 10.09.2024. godine od strane Općinskog suda u Zenici,
- Ovjereni kopiji Uvjerjenja o poreznoj registraciji izdatog dana 10.11.2011. godine od strane Porezne uprave Federacije BiH - Kantonalni porezni ured Zenica,
- Ovjereni kopiji Obavještenja o razvrstavanju pravnog lica prema klasifikaciji djelatnosti broj: 07-32.5-28269/16 izdatog dana 11.11.2016. godine od strane Službe za statistiku za područje Zeničko-dobojskog kantona,
- Kopija Rješenja o prethodnoj vodnoj saglasnosti broj: UP-I/25-1-40-381-3/14 izdatog dana 09.09.2014. godine od strane «Agencije za vodno područje rijeke Save» Sarajevo,
- Kopija Rješenja o vodnoj saglasnosti broj: UP-1/21-2-40-427-6/22 izdatog dana 16.11.2022. godine od strane «Agencije za vodno područje rijeke Save» Sarajevo,
- Elaborat za izdavanje vodne saglasnosti za aktivnosti kontrolisane sječe i krčenja šume na prostoru zaštitnih zona izvorišta Očevlje u općini Vareš urađen od strane «INPROS» d.o.o. Mostar (ELAB 02-08/24, august 2024. godine),
- Šumskogospodarska osnova za «GORNJEBOSANSKO» šumskogospodarsko područje, period važnosti 01.01.2023. do 31.12.2032. godine (Knjiga I i II - CD) urađena od strane JP «Bosanskohercegovačke šume» Sarajevo, 2023. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu ostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih 16.05.2025. godine u kojem je zatraženo od podnosioca zahtjeva da dostavljeni Elaborat dopuni u skladu sa uslovima iz prethodne vodne saglasnosti u roku od 30 dana od dana urednog prijema dostavljene obavijesti. Dana 21.07.2025. godine podnosilac je dostavio dopunjenu dokumentaciju.

U provedenom dokaznom postupku koji je prethodio donošenju ovog rješenja utvrđeno je sljedeće:

Podnosilac zahtjeva je za potrebe izrade projektne dokumentacije angažovao projektnu kuću «INPROS» d.o.o. Mostar koja je uradila Elaborat za izdavanje vodne saglasnosti za aktivnosti kontrolisane sječe i krčenja šume u zaštitnim zonama izvorišta Očevlje u općini Vareš.

Projektna kuća «INPROS» d.o.o. Mostar posjeduje ovlaštenje za izradu projektne dokumentacije broj: UP-I-07-21/2-4796/23 od 02.11.2023. godine, prema Pravilniku o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08 i 38/12).

Projektna dokumentacija - Elaborat za izdavanje vodne saglasnosti urađen je u skladu sa uslovima iz Rješenja o prethodnoj vodnoj saglasnosti broj: UP-I/25-1-40-381-3/14 izdatog od strane ovog organa dana 09.09.2014. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu. Podnosilac zahtjeva JP «Šumsko privredno društvo Zeničko-dobojskog kantona» d.o.o. Zavidovići se bavi gospodarenjem šumama na području Zeničko-dobojskog kantona. Gospodarenje šumama na području koje je obuhvaćeno zonama sanitarne zaštite izvorišta «Očevlje» vrši se na osnovu šumskogospodarske osnove (period važenja 01.01.2023.- 31.12.2032.) urađene od strane JP «Bosanskohercegovačke šume» Sarajevo, 2023. godine.

U skladu sa Zakonom o vodama, za planirane aktivnosti na kontrolisanoj sječi i krčenju šume za iskorištavanje šuma na prostoru zaštitnih zona izvorišta «Očevlje», općina Vareš, propisano je da se u postupku pribavljanja potrebnih odobrenja, obezbijedi i vodna saglasnost za tu aktivnost.

U postupku dopune Elaborata provedena je ocjena «nultog» stanja režima voda na prostoru zona sanitarne zaštite koristeći rezultate do sada provedenih istraživanja, te uviđajem na licu mjesta.

Nulto stanje predstavlja ocjenu stanja kvalitativno – kvantitativnog režima voda na izvorištu prije početka aktivnosti za koje je tražena vodna saglasnost. Osvrt na «nulto» stanje i vršenje uviđaja na licu mjesta obavljenog dana 12.06.2025. godine dat je u Dopuni Elaborata, sa priloženom kopijom Zapisnika o uviđaju obavljenom na prostoru koji obuhvata zaštitne zone izvorišta «Očevlje». Obilazak terena je izvršen u prisustvu predstavnika JP «Šumsko privredno društvo Zeničko-dobojskog kantona» d.o.o. Zavidovići i «Javnog komunalnog preduzeća» d.o.o. Vareš.

U sklopu dopune Elaborata dostavljen je Izvještaj o mikrobiološkoj analizi vode za uzorke od 24.04.2025. godine urađen od strane «Instituta za zdravlje i sigurnost hrane» Zenica.

Na području izvorišta «Očevlja» kaptirana su dva vrela izdašnosti oko 90-150 l/sec. Locirano je u centralnom dijelu Bosne i Hercegovine i nalazi se na desnoj obali potoka Očevka (sliv rijeke Krivaje) oko 18,0 km sjeveroistočno od Vareša. Zahvaćena voda se iz PS Očevlja sa kote 812,00 m n.m. distribuira do rezervoara «Zvijezda» na koti 1.108 m n.m. a zatim do rezervoara «Lazine» (zapremine 2x300 m³) distribuira do potrošača na području općine Vareš.

«Javno komunalno preduzeće» d.o.o. Vareš posjeduje važeću vodnu dozvolu broj: UP-1/21-3-40-402-4/22 izdatu od strane ove Agencije dana 20.09.2022. godine za zahvatanje vode sa izvorišta «Očevlje» za potrebe vodosnabdijevanja stanovnika općine Vareš.

Navedenim Rješenjem data je obaveza operateru «Javno komunalno preduzeće» d.o.o. Vareš (tačka 2.7. Rješenja) da se sprovode zaštitne mjere po Odluci o zaštitnim zonama i zaštitnim mjerama izvorišta «Očevlje» općina Vareš (broj: 01-268/17) donesenoj na sjednici Općinskog vijeća Vareš održanoj dana 28.12.2017. godine.

Na lokaciji vodozaštitnih zona «Očevlje», JP «Šumsko privredno društvo Zeničko-dobojskog kantona» d.o.o. Zavidovići (kojim gospodari PJ Šumarija Vareš) posjeduje jedan objekat/štala za animal koji se ne koristi. Podnosilac zahtjeva tokom provođenja aktivnosti na kontrolisanoj sječi i krčenju šume, na prostoru zaštitnih zona izvorišta «Očevlje» ne planira izgradnju niti jednog stalnog objekta. Šumski putevi na području zaštitnih zona predmetnog izvorišta su u relativno dobrom stanju te nije planirana izgradnja novih, već samo sanacija i održavanje postojećih šumskih puteva. U Elaboratu je dato rješenje prikupljanja i konačnog disponiranja krutog otpada koje nastaje prilikom pripreme i transporta stabala.

U okviru Šumskogospodarske osnove za «GORNJEBOSANKO» šumskogospodarsko područje (period važnosti 01.01.2023. do 31.12.2032. godine) posebno je opisano poglavlje *Ograničenja u pogledu gospodarenja šumama i šumskim zemljištem* sa akcentom na zone sanitarne zaštite izvorišta. U osnovi je prikazano stanje šuma i šumskog zemljišta po zonama sanitarne zaštite sa jasno propisanim intenzitetom sječe u pojedinim zonama.

Obilaskom primarne mreže šumskih puteva konstatovano je da su u relativno dobrom stanju i da se isti mogu koristiti za transport šumskih drvnih sortimenata tokom cijele godine.

U Elaboratu su opisani uticaji na režim tečenja površinskih i podzemnih voda sa mjerama koje je neophodno provoditi u zonama sanitarne zaštite radi sprječavanja i umanjivanja negativnih posljedica usljed radova u šumi. Stanje šuma i šumskog zemljišta na području zona sanitarne zaštite, sa osvrtom na posljedice bespravne sječe i opis stanja šuma na području zona sanitarne zaštite, opisano je i poslužilo kao osnova za obrazloženje planiranih aktivnosti i sistema gazdovanja skupinasto – predbornim sječama.

Osvrt na produkciju oborinskih i ostalih potencijalno zagađenih ili onečišćenjem opterećenih voda dato je u posebnom poglavlju u kome se obuhvatila i problematika prikupljanja i konačnog zbrinjavanja krutog otpada koji nastaje prilikom uklanjanja grana, guljenja stabala i sl.

Tačkom 2. dispozitiva ovoga Rješenja utvrđena je svrha za koju se izdaje i za šta može da se koristi predmetna vodna saglasnost u skladu sa odredbama člana 108. stav (1) tačka 2. Zakona o vodama.

Tačkom 3. dispozitiva ovoga rješenja utvrđeni su uslovi koje je korisnik prava iz vodne saglasnosti dužan ispuniti u toku izvođenja planiranih radova, sve u skladu sa članom 108. stav (1) tačka 6. Zakona o vodama i članom 10. stav (1) Pravilnika o sadržaju, obliku, uslovima načinu izdavanja i čuvanja vodnih akata. Zbog promjena koje su se mogle desiti u vremenu od izrade tehničke dokumentacije do vremena kada će se ove aktivnosti obavljati, propisana je tačka 3.4..

Tačkom 4. dispozitiva ovoga Rješenja propisana je obaveza korisnika prava iz vodne saglasnosti i odnosi se na obavezu provođenja Odluke o zaštite izvorišta prema članu 66. Zakona o vodama.

Tačkom 5. i 7. dispozitiva ovoga Rješenja je propisan uslov koji je korisnik prava iz vodne saglasnosti dužan uvažiti u svrhu ispunjenja ciljeva 3., 4. i 8. iz člana 2. stav (1) Zakona o vodama.

Tačkom 9. dispozitiva ovoga Rješenja propisana je važnost vodne saglasnosti u skladu sa odredbama člana 114. stav (6) Zakona o vodama.

Na osnovu utvrđenog činjeničnog stanja i dostavljene projektne dokumentacije a u cilju smanjenja negativnih uticaja predmetnih aktivnosti na stanje voda i vodni režim izvorišta «Očevlje» na području općine Vareš podnosiocu zahtjeva su u dispozitivu Rješenja ove vodne saglasnosti propisani uslovi u skladu sa članom 114. Zakona o vodama i članom 10. stav (1) Pravilnika o sadržaju, obliku, uslovima, načinu izdavanja i čuvanja vodnih akata, a koje je investitor dužan ispuniti u toku provođenja planiranih aktivnosti.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta

Nermina Hodžić, dipl.inž.građ.

Prilog:

Ovjerena projektna dokumentacija: Elaborat za izdavanje vodne saglasnosti za aktivnosti kontrolisane sječe i

krčenja šume na prostoru zaštitnih zona izvorišta Očevlje u općini Vareš urađen od strane «INPROS» d.o.o. Mostar (broj: ELAB 02-08/24, august 2024. godine)

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP «ŠPD Zeničko-dobojskog kantona» d.o.o Zavidovići (prilog)
ul. Alije Izetbegovića br. 25, 72220 Zavidovići
- «Javno komunalno preduzeće» d.o.o. Vareš
ul. Put mira br 33, 71330 Vareš
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava